



SLUŽBENI GLASNIK OPĆINE KALESIJA

Godina: L

Petak, 30.01.2015.godine
KALESIJA

Broj: 1

OPĆINSKO VIJEĆE

1

Na osnovu člana 13. Zakona o principima lokalne samouprave ("Sl.novine FBiH" br. 49/06), člana 42. Statuta općine Kalesija – Prečišćen tekst ("Sl.glasnik općine Kalesija", br. 10/07, 7/08, 10/11, 3/12 i 6/13), Općinsko vijeće Kalesija, na sjednici održanoj dana, 29.01.2015.godine, d o n o s i:

ODLUKU

o određivanju lokacija za postavljanje oglasa, plakata, postera i drugih propagandnih materijala političkih subjekata u svrhu održavanja prijevremenih izbora za načelnika Općine Kalesija

Član 1.

Ovom Odlukom određuju se lokacije za postavljanje oglasa, plakata, postera i drugih propagandnih materijala političkih subjekata u svrhu održavanja prijevremenih izbora za načelnika Općine Kalesija i vrijeme primjene ove Odluke.

Član 2.

Lokacije, koje se za potrebe iz prethodnog člana, određuju na području Općine Kalesija su: objekti u privatnoj svojini uz saglasnost vlasnika ili posjednika objekta, oglasne ploče, oglasni stubovi, oglasni ormarići, stubovi ulične rasvjete i elektro mreže, reklamne table uz plaćeni zakup, sve u svrhu postavljanja oglasa, plakata, postera i drugih propagandnih materijala političkih subjekata za potrebe održavanja prijevremenih izbora za načelnika Općine Kalesija.

Član 3.

Političkim subjektima (političke stranke, koalicije, liste nezavisnih kandidata i nezavisni kandidati), **zabranjeno je postavljati** oglase, plakate, postere, odnosno ispisivati imena ili slogane koji su u vezi sa izbornom kampanjom unutar ili na zgradama u kojima su smješteni organi vlasti na svim nivoima, javna preduzeća, javne ustanove, mjesne zajednice, vjerski objekti, na javnim

putevima, javnim površinama, osim na mjestima predviđenim za plakatiranje i oglašavanje, odnosno mjestima - lokacijama određenim prethodnim članom.

Član 4.

Politički subjekti su dužni, u roku od 8. dana od dana održavanja prijevremenih izbora za načelnika Općine Kalesija, ukloniti sve plakate, oglase i drugo što je bilo u funkciji promocije političkih subjekata. Ukoliko isti ne postupe u skladu sa naprijed navedenim, uklanjanje će se izvršiti po nalogu nadležnog komunalnog inspektora Općine Kalesija, putem komunalnog preduzeća, a o trošku političkog subjekta, koji je postavio propagandni materijal.

Član 5.

Ova Odluka primjenjivat će se do 21.02.2015. godine.

Član 6.

Odredbе Odluke o komunalnom redu („Sl. glasnik općine Kalesija“, broj 7/01, 5/09) propisane članovima 13. do 29. neće se primjenjivati u periodu važenja ove Odluke, a vezano za postavljanje oglasa, plakata, postera i drugih propagandnih materijala političkih subjekata na lokacijama iz člana 2. ove Odluke.

Član 7.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-641
Datum, 30.01.2015. godine

PREDSJEDAVAJUĆI
OPĆINSKOG VIJEĆA
Nedžad Džafić s.r.

2

Na osnovu člana 13. Zakona o principima lokalne samouprave ("Sl.novine FBiH" br. 49/06), člana 42. Statuta općine Kalesija – Prečišćen tekst ("Sl.glasnik općine Kalesija", br. 10/07, 7/08, 10/11, 3/12 i 6/13), Općinsko vijeće Kalesija, na sjednici održanoj dana, 29.01.2015. godine, d o n o s i:

ODLUKU

o ustupanju radova u okviru realizacije projekta "Čišćenje korita i obala vodotoka u općini Kalesija nakon prirodne nepogode 2014. godine" KP "Komunalac" d.d. Kalesija.

Član 1.

Ovom Odlukom se ustupaju radovi u okviru realizacije projekta "Čišćenje korita i obala vodotoka u općini Kalesija nakon prirodne nepogode 2014. godine" KP "Komunalac" d.d. Kalesija.

Član 2.

Projekat je sufinansiran sredstvima Fonda za zaštitu okoliša FBiH u iznosu od 70.000,00 KM i vlastitog učešća od 7.530,00 KM.

Član 3.

Ovlaštava se Općinski načelnik da zaključi Ugovor o izvođenju radova sa KP "Komunalac" d.d. Kalesija, kojim će se definisati način upravljanja projektom i nadzora nad izvođenjem radova, izbora i angažmana nezaposlenih lica sa evidencije Službe za zapošljavanje, izvještavanja o toku i završetku projekta i situiranja i plaćanja izvedenih radova.

Član 4.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-642
Datum, 30.01.2015. godine

PREDSJEDAVAJUĆI
OPĆINSKOG VIJEĆA
Nedžad Džafić s.r.

3

Na osnovu čl. 66. Zakona o građevinskom zemljištu F BiH ("Službene novine FBiH", br. 25/03, 16/04, 67/05), čl. 42. Odluke o građevinskom zemljištu ("Službeni glasnik općine Kalesija", br. 1/04, 2/05 i 12/05) i čl. 42. Statuta općine Kalesija - Prečišćeni tekst ("Službeni glasnik općine Kalesija" br. 10/07, 7/08 10/11, 3/12 i 6/13) Općinsko vijeće Kalesija na sjednici održanoj dana 29.01.2015.godine, d o n o s i:

ODLUKU

o utvrđivanju prosječne konačne građevinske cijene m² korisne stambene površine na području općine Kalesija iz prethodne godine

Član 1.

Ovom Odlukom utvrđuje se prosječna konačna građevinska cijena m² korisne stambene površine iz prethodne godine na području općine Kalesija, a koja služi kao osnovica za izračunavanje naknade iz osnova prirodnih pogodnosti gradskog građevinskog zemljišta i uređenja gradskog građevinskog zemljišta. Utvrđena cijena će biti korištena u 2015.godini.

Član 2.

Prosječna konačna građevinska cijena 1m² izgrađene korisne stambene površine u 2014.godini na području općine Kalesija iznosi 750,00 KM.

Član 3.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKO VIJEĆE
Broj: 01-05-2-643
Datum: 30.01.2015.godine

PREDSJEDAVAJUĆI
OPĆINSKOG VIJEĆA
Nedžad Džafić s.r.

4

Na osnovu člana 70. Zakona o građevinskom zemljištu ("Službene novine Federacije Bosne i Hercegovine", broj: 25/03, 16/04 i 67/05), člana 47. Odluke o građevinskom zemljištu ("Službeni glasnik općine Kalesija", broj: 1/04, 2/05 i 12/05), te člana 42. Statuta općine Kalesija – Prečišćeni tekst ("Službeni glasnik općine Kalesija", broj: 10/07, 7/08, 10/11, 3/12 i 6/13), Općinsko vijeće Kalesija na sjednici održanoj dana, 29.01.2015. godine, d o n o s i:

PROGRAM UREĐENJA

gradskog građevinskog zemljišta po zonama na području općine Kalesija za period I-XII 2015.godine

Član 1.

U toku 2015. kalendarske godine vršit će se uređenje gradskog građevinskog zemljišta u : I , IIa, IIb, IIc, II d, III, IV , V i VI zoni gradskog građevinskog zemljišta.

Član 2.

U zoni obuhvata Regulacionog plana "Južna zona" Kalesija i "Sjeverna zona" Kalesija, kao i obuhvatu Regulacionih planova "Tojšići" i "Memići", vršit će

se sledeći poslovi:

- Izrada izmjena i dopuna regulacionih planova.
- Digitalizacija i izmjena postojećih regulacionih planova
- Završetak radova na izgradnji gradske sportske dvorane u Kalesiji
- Vanjsko uređenje javnih površina oko sportske dvorane u Kalesiji
- Rješavanje odvodnje površinskih voda sa javnih i drugih površina
- Dogradnja fekalne kanalizacije
- Prširenje toplifikacije grada
- Nasatavak izgradnje Nove ulice u Kalesiji

U ostalim zonama iz člana 1. Programa vršit će se sljedeći poslovi:

- Izrada Prostornog plana općine Kalesiji
- Izrada glavnog projekta fekalne kanalizacije
- Završetak izgradnja zgrade JP"Vodovod i kanalizacije Kalesija"
- Izgradnja i sanacije puteva po Planu za 2015. godinu
- Hidrogeološka istraživanja pitkih podzemnih voda
- Izgradnja vodovoda po Mjesnim zajednicama
- Sanacija privremene deponije Prijemet-Vis
- Zatvaranje tehnički neuređenih deponija
- Uređenja izletišta Plješavica
- Izgradnja sportskih terena
- Čišćenje korita i obala vodotoka

Radovi će se obavljati prema navedenom redosljedu, a u skladu sa budžetom općine Kalesija.

Član 3.

Planirana izgradnja u Kalesiji, za područje koje se uređuje iznosi cca 10120 m² stambenog i 5060 m² poslovnog prostora.

Član 4.

Ukupna investicija uređenja gradskog građevinskog zemljišta iznosi 1.464.000,00 KM (od toga sa posebnog računa namjenska sredstva iznose 379.500,00 KM).

Član 5.

Na ime uređenja gradskog građevinskog zemljišta u I zoni gradskog građevinskog zemljišta, investitori planiranih objekata imaju uplatiti iznos od **25,00 KM** za svaki m² korisne površine izgrađenog stambenog i poslovnog prostora.

Naknada za uređenje gradskog građevinskog zemljišta obračunavat će se u skladu sa korisnom površinom utvrđenom u Glavnom projektu građevine, o čemu će se donositi posebno rješenje, nakon što se utvrdi da investitor ispunjava sve druge

uslove za odobrenje za građenje, a uplaćivat će se na poseban račun općine Kalesija kod Tuzlanske banke broj: 1321400311635477, vrsta prihoda 722433.

Član 6.

Visinu naknade za već ranije uređeno ili djelimično uređeno gradsko građevinsko zemljište, korisnik zemljišta obavezan je izmiriti nezavisno od stepena uređenja.

Za zone IIa, IIb, IIc, IID, III, IV,V i VI iz tačke 1. ovog Programa primjenjivati odredbe Odluke o građevinskom zemljištu, a visina naknade utvrđuje se u procentima u odnosu na predračunsku vrijednost građevinskog objekta, primjenom cijene m² korisne stambene površine utvrđene Odlukom o utvrđivanju prosječne konačne građevinske cijene m² korisne stambene površine iz predhodne godine i to:

1. za obezbjeđenje prilaza parceli – 0,8%,
2. za obezbjeđenje uslova prisključenja snabdijevanja vodom – 0,4%,
3. za obezbjeđenje uslova za priključenje kanalizacije – 0,4%,
4. za obezbjeđenje uslova priključka na NN električnu mrežu - 0,4%.

Obavezi plaćanja naknade za uređenje građevinskog zemljišta na kojem se gradi objekat, ne podliježe član porodice koji je ili čiji su roditelji učestvovali u uređenju tog građevinskog zemljišta, ukoliko se objekat gradi na mjestu ranije postojećeg objekta za onaj dio korisne površine objekta koji je bio izgrađen na tom mjestu.

Član 7.

Program uređenja gradskog građevinskog zemljišta stupa na snagu danom objavljivanja u "Službenom glasniku" općine Kalesija.

Bosna i Hercegovina
Federacija Bosne i Hercegovine
Tuzlanski kantona
OPĆINA KALESIJA
OPĆINSKO VIJEĆE
Broj: 01-05-630
Dana: 30.01.2015.godine

PREDSJEDAVAJUĆI
OPĆINSKOG VIJEĆA
Nedžad Džafić s.r.

5

Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07, 7/08, 10/11, 3/12) Općinsko vijeće Kalesija na sjednici održanoj 29.01.2015.godine, d o n o s i:

PLAN PROLJETNE SJETVE ZA 2015. GODINU

1. UVOD

Poljoprivreda kao grana privrede u strateškim razvojnim dokumentima općine Kalesija, ima prioritetno mjesto, jer Općina raspolaže veoma značajnim resursima za intenzivan razvoj poljoprivrede. Osamdesetih i devedesetih godina prošlog stoljeća ovo područje je bilo jedno od najznačajnijih poljoprivrednih krajeva u kojima se dešavao intenzivni rast ove privredne grane.

U proteklih sedam godina pored Sarajevskog Milkosa na području općine Kalesija na desetine malih poljoprivrednih proizvođača je stasalo u manja stabilna poljoprivredna gazdinstva, tako da su oni sa svojim proizvodima sve više i više prisutni na tržištu.

Osnov za izradu ovogodišnjeg plana predstavljaju podaci prijave planirane poljoprivredne proizvodnje putem upisa u registar poljoprivrednih gazdinstava, kao i statistički podaci o uobičajenoj sjetvi na posjedima individualnih poljoprivrednih proizvođača i preduzeća.

2. STRUKTURA I OBIM SJETVE

Proljetna sjetva na općini Kalesija realizovaće se na površini od 7405 ha sa poljoprivrednim kulturama kako slijedi:

R br	Sjetvena struktura	Ostvareno u 2014. godini (ha)	Planirano u 2015. godini (ha)	INDEX
1.	Pšenica jara	-	-	-
2.	Raž jara	-	-	-
3.	Ječam jari	-	-	-
4.	Zob jara	-	-	-
5.	Kukuruz za zrno	3120	3175	102
6.	Kukuruz za silažu	1660	1960	118
7.	Djetelina	90	100	111
8.	Lucerka	155	150	97
9.	DTS	800	820	102
10.	Duhan	-	-	-
11.	Krompir	820	850	104
12.	Grah	75	80	107
13.	Luk crni	55	55	100
14.	Luk bijeli	15	15	100
15.	Kupus	25	20	80
16.	Paradajz	65	65	100
17.	Paprika	65	70	108
18.	Krastavac	35	40	114
19.	Ostalo povrće	50	55	110
20.	Ostalo krmno bilje	60	65	108
21.	Soja	-	35	-
22.	Tikva	-	-	-
23.	Suncokret	-	-	-
	UKUPNO	7280	7405	102

Iz prethodne tabele se vidi da je planom proljetne sjetve u 2015 godini planirana sjetva na području

općine Kalesija na površini od 7405 ha, što je više u odnosu na ostvarenje 2014 godine za 2%. U ovogodišnjoj sjetvi na području općine Kalesija najveće površine zasijaće su kukuruzom. Kukuruz je kultura koja čini glavnu osnovu za ishranu stoke, bilo u vidu koncentrovane ishrane ili silaže. Učešće kukuruza u ukupnoj sjetvi je oko 69%.

Razlozi povećanja sjetvenih površina kukuruza u 2015 godini su:

- Organizovani otkup mlijeka
- Zakup državnog poljoprivrednog zemljišta
- Izdvajanje novčanih sredstava od Federalnog, Kantonalnog i Općinskog budžeta na ime podsticaja primarne poljoprivredne proizvodnje.
- Povećanje broja grla na farmi Krušik od strane D.O.O. Milkos iz Sarajeva

3. PLAN POTREBNIH REPRMATERIJALA ZA PROLJETNU SJETVU

Proljetna sjetva je jedan od najopsežnijih poslova u poljoprivrednoj proizvodnji te zahtijeva maksimalan angažman sredstava, ljudi i strojeva. nastojeći da predstojeća sjetva bude što kvalitetnija, uvažavajući agrotehničke rokove i pripreme za proljetne radove u poljoprivredi neophodna je pomoć države iz razloga što su velike cijene repromaterijala.

Da bi realizacija plana proljetne sjetve bila uspješna potrebno je obezbijediti dovoljne količine repromaterijala utvrđene na bazi planske strukture sjetvenih površina na području općine Kalesija, što se vidi iz naredne tabele:

Vrsta repromaterijala	Sjetvene površine ha	Utroška sjemena kg/ha	Ukupno kg	Cijena po jedinici mjere u KM	Ukupno KM
Sjeme kukuruza	5135	20	102700	9,00	924300
Zob, Ječam	-	-	-	-	-
Krmno bilje	1070	30	32100	8,00	256800
Krompir	850	2500	2125000	1,00	2125000
Grah	80	150	12000	6,00	72000
Crveni luk	55	600	33000	2,50	82500
Bijeli luk	15	350	5250	10,00	52500
Ostalo povrće	465	3	1395	270,00	376650
NPK đubrivo	7405	300	2221500	1,00	2221500
KAN 27 %	7405	150	1110750	0,65	721986
Dizel gorivo	7405	50	370250	2,45	907113
Ulje i mazivo	7405	4	29620	6,00	177720
Herbicidi	2468	3	7404	27,00	199908
Insekticidi	2468	2	4936	20,00	98720
Fungicidi	2468	2	4936	18,00	88848
UKUPNO:					8305545

Iz prethodne tabele vidljivo je da su za realizaciju plana proljetne sjetve potrebna sredstva u iznosu od 8 305 545,00 KM .

Sjeme
Đubrivo

3 854 750,00 KM
2 943 486,00 KM

Dizel gorivo	907 113,00 KM
Ulje i mazivo	177 720,00 KM
Zaštitna sred.	387 476,00 KM
UKUPNO	8 305 545,00 KM

**OČEKIVANA PROIZVODNJA
(ŽITARICA, POVRTNOG I KRMNOG BILJA)
OD PROLJETNE SJETVE 2014. GODINE**

Vrsta usjeva	Planirana sjetva u ha	Prosječan prinos t/ha	Ukupna proizvodnja tona
Kukuruz	5135	5,0	25 675
Jari ječam	-	-	-
Jara zob	-	-	-
Krompir	850	8,0	6800
Grah	80	1,8	144
Kupus	20	12,0	240
Paradajz	65	6,0	390
Paprika	70	5,0	350
Crveni luk	55	6,0	330
Bijeli luk	15	3,5	53
Krastavac	40	7,0	280
Krmno bilje	1170	4,0	4 680

U cilju ostvarenja plana proljetne sjetve, potrebno je obezbijediti određene preduslove kao što su:

- Obezbijediti kvalitetno sjeme i sadni material sa odgovarajućim porijeklom, certifikatom, fitopatološkim uvjerenjem i sortnoj čistoći.
- Obezbijediti ostale repromaterijale za sjetvu (mineralna đubriva, zaštitna sredstva, gorivo i mazivo)
- Iznaći novčana sredstva za proljetnu sjetvu i plasirati ih putem kredita uz odgovarajuću kamatnu stopu i povoljan grace period.
- Blagovremeno obezbijediti neophodne rezervne dijelove za mehanizaciju (traktori i priključna oruđa), po planu nabavki kod poljoprivrednih proizvođača.
- Maksimalno angažovanje svih raspoloživih resursa kako bi se proizvelo što više zdrave hrane.
- Izvršiti sjetvu u optimalnim agrotehničkim rokovima
- Organizovati otkup tržišnih viškova poljoprivrednih proizvoda

Realizaciju plana proljetne sjetve pratit će nadležna Služba za poljoprivredu.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKO VIJEĆE
Broj: 01-05-631
Datum: 30.01.2015. godine

PREDSJEDAVAJUĆI
OPĆINSKOG VIJEĆA
Nedžad Džafić

6

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08 i 10/11), Općinsko vijeće Kalesija, na 23. redovnoj sjednici održanoj 29.01.2015. godine, donijelo je sljedeći

Z A K L J U Č A K

I

Usvaja se Program rada Sportskog saveza općine Kalesija, sa planom finansiranja i sufinansiranja sporta u 2015. godini, u skladu sa članom 18. Odluke o izvršenju budžeta općine Kalesija za 2015. godinu, izuzev dijela koji se odnosi na finansiranje profesionalnog radnog mjesta sekretara u iznosu od 24.000,00 KM.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-632
Datum, 30.01.2015. godine

PREDSJEDAVAJUĆI
OPĆINSKOG VIJEĆA
Nedžad Džafić s.r.

7

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08 i 10/11), Općinsko vijeće Kalesija, na 23. redovnoj sjednici održanoj 29.01.2015. godine, donijelo je sljedeći

Z A K L J U Č A K

I

Usvaja se Izvještaj o radu Sportskog saveza općine Kalesija za 2014. godinu.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-633
Datum, 30.01.2015. godine

PREDSJEDAVAJUĆI
OPĆINSKOG VIJEĆA
Nedžad Džafić s.r.

8

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08 i 10/11), Općinsko vijeće Kalesija, na 23. redovnoj sjednici održanoj 29.01.2015.godine, donijelo je slijedeći

Z A K L J U Č A K**I**

Usvaja se Izvještaj o rješavanju upravnih stvari u upravnom postupku općinskih službi za upravu općine Kalesija u 2014.godini.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAJUĆI
OPĆINSKOG VIJEĆA

Nedžad Džafić s.r.

Broj: 01-05-634

Datum, 30.01.2015. godine

9

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08 i 10/11), Općinsko vijeće Kalesija, na 23. redovnoj sjednici održanoj 29.01.2015.godine, donijelo je slijedeći

Z A K L J U Č A K**I**

Usvaja se Izvještaj Komisije za utvrđivanje vrijednosti nepokretnosti i prava u prometu o izvršenim procjenama prometa nepokretnosti i prava za period 01.01.2014. – 31.12.2014.godine.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAJUĆI
OPĆINSKOG VIJEĆA

Nedžad Džafić s.r.

Broj: 01-05-635

Datum, 30.01.2015. godine

OPĆINSKI NAČELNIK**10**

Na osnovu člana 15. Zakona o principima lokalne samouprave («Sl. novine FBiH» br. 49/06), člana 8. stav 2. Zakona o uslovima i postupku legaliziranja bespravno izgrađenih građevina («Sl. novine TK» br. 3/06, 1/07, 5/08 i 10/11) i člana 56. Statuta općine Kalesija («Sl. glasnik općine Kalesija» br. 10/07, 7/08, 10/11, 3/12 i 6/13), Općinski načelnik dana 06.01.2015.godine, d o n o s i

R J E Š E N J E

o izmjenama Rješenja o imenovanju Komisije za izdavanje stručnog mišljenja o donošenju Rješenja o naknadnoj urbanističkoj saglasnosti bespravno izgrađenih građevina na području općine Kalesija

I

U Rješenju o imenovanju Komisije za izdavanje stručnog mišljenja o donošenju Rješenja o naknadnoj urbanističkoj saglasnosti bespravno izgrađenih građevina na području općine Kalesija, ("Službeni glasnik općine Kalesija" br. 4/12 i 8/14), u tački I, pod rednim brojem 3, umjesto "Mirzet Alić", treba da stoji "Suad Kulanić".

II

Ovo Rješenje stupa na snagu danom donošenja, a isto će se objaviti u "Službenom glasniku općine Kalesija".

Bosna i Hercegovina
Federacija Bosne i Hercegovine V.D. OPĆINSKOG NAČELNIKA
Tuzlanski kanton
OPĆINA KALESIJA Mr.sc. Salmir Avdibašić dipl.ing.el. s.r.
OPĆINSKI NAČELNIK

Broj: 02-05-2-56/15

Datum: 06.01.2015. godine

11

Na osnovu člana 7. tačka 3. i člana 8. Uredbe o jedinstvenoj metodologiji za procjenu šteta od prirodnih i drugih nesreća («Službene novine Federacije BiH», broj 75/04.) i člana 56. Statuta Općine Kalesija – Prečišćeni tekst („Sl. glasnik općine Kalesija” br. 10/07, 7/08, 10/11, 3/12 i 6/13) Općinski načelnik dana 09.01.2015.godine d o n o s i

O D L U K U

o izmjenama i dopunama Odluke o obrazovanju Općinske komisije za procjenu šteta od prirodnih i drugih nesreća

Član 1.

U Odluci o obrazovanju Općinske komisije za procjenu šteta od prirodnih i drugih nesreća ("Sl. glasnik općine Kalesija" br. 5/14),

- u članu 1. stav 1. tačka 1. ime "Mr. Kulanić Zijad, dipl.ing.geodezije" briše se, a umjesto toga stavlja se ime "Halilčević Fahrudin dipl.ing.mašinstva",

- a pod tačkom 4. umjesto "Halilčević Fahrudin dipl.ing.mašinstva", stavlja se ime "Hamidović Nijaz prof.političkih nauka".

Član 2.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-157/15
Datum: 09.01.2015.godine

V.D. OPĆINSKI NAČELNIK
Mr.sc. Salmir Avdibašić dipl.ing.el. s.r.

12

Na osnovu člana 15. Zakona o principima lokalne samouprave („Službene novine Federacije Bosne i Hercegovine“, broj 49/06), člana 56. Statuta Općine Kalesija („Službeni glasnik Općine Kalesija, broj: 10/07, 7/08, 10/11, 3/12 i 6/13), a u vezi sa Zakonom o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije Bosne i Hercegovine“, broj 59/14), Uredbom o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije Bosne i Hercegovine“, broj 66/14) i Odluke o utvrđivanju prioriteta u raspodjeli sredstava privrednim subjektima na području Tuzlanskog kantona koji su pretrpjeli štete usljed prirodne nesreće broj: 02/1-14-021842/14 od 23.09.2014. godine i broj: 02/1-14-22387/14 od 30.09.2014. godine, Općinski načelnik Kalesija, 13.01.2015. godine, d o n o s i

ODLUKU

o izmjenama i dopunama Odluke o raspisivanju javnog konkursa za raspodjelu sredstava iz Federalnog Fonda za pomoć nastradalim područjima od prirodne nesreće na teritoriji FBiH prema privrednim subjektima na području općine Kalesija koji su pretrpjeli štete usljed prirodne nesreće

Član 1.

U Odluci o raspisivanju javnog konkursa za raspodjelu sredstava iz Federalnog Fonda za pomoć nastradalim područjima od prirodne nesreće na teritoriji FBiH prema privrednim subjektima na području općine Kalesija koji su pretrpjeli štete usljed prirodne nesreće ("Sl. glasnik općine Kalesija" br. 9/14) član 1.mijenja se i glasi:

"Raspisuje se javni konkurs za raspodjelu sredstava iz Federalnog Fonda za pomoć nastradalim područjima od prirodne nesreće na teritoriji Federacije Bosne i Hercegovine prema privrednim subjektima na području općine Kalesija, koji su pretrpjeli štetu usljed prirodne nesreće uzrokovane obilnim kišnim padavinama koji ispunjavaju slijedeće uslove:

1. Da im je odlukom nadležne Komisije utvrđen nastanak štete prouzrokovane u periodu od proglašenja stanja prirodne nesreće, pa do njenog prestanka,

2. Da su privredna društva u privatnom vlasništvu ili samostalni privrednici (trgovci, ugostitelji ili obrtnici) registrovana u skladu sa domaćim propisima i da imaju sjedište poslovanja ili izdvojenu poslovnu jedinicu u općini Kalesija, registrovanu najkasnije sa danom proglašenja prirodne nesreće,

3. Da imaju manje od troje zaposlenih,

4. Da je uredno izmirivalo poreske obaveze."

Član 2.

Član 5. Odluke mijenja se i glasi:

"Prijave će biti razmotrene i procijenjene od strane Komisije za ocjenu prijava.

Samo prijave koje su kompletne kada je u pitanju tražena dokumentacija, te prihvatljive u pogledu uslova prihvatljivosti poslovnih subjekata i predložene namjene sredstava i troškova, mogu biti razmatrane za dodjelu finansijskih sredstava, a u suprotnom će biti odbačene."

Član 3.

Odluka stupa na snagu danom njenog donošenja, a objavit će se u „Službenom glasniku Općine Kalesija“.

Bosna i Hercegovina
Federacija Bosne i Hercegovine
Tuzlanski kanton
Općina Kalesija
OPĆINSKI NAČELNIK
Broj: 02-05-2-3829-24/14
Kalesija, 13.01.2015. godine

V.D. OPĆINSKOG NAČELNIKA
Mr.sc. Salmir Avdibašić dipl.ing.el. s.r.

S a d r Ź a j

OPĆINSKO VIJEĆE	Strana	OPĆINSKI NAČELNIK	Strana
1. Odluka o određivanju lokacija za postavljanje oglasa, plakata, postera i drugih propagandnih materijala političkih subjekata u svrhu održavanja prijevremenih izbora za načelnika Općine Kalesija	1	10. Rješenje o izmjenama Rješenja o imenovanju Komisije za izdavanje stručnog mišljenja o donošenju Rješenja o naknadnoj urbanističkoj saglasnosti bespravno izgrađenih građevina na području općine Kalesija	6
2. Odluka o ustupanju radova u okviru realizacije projekta "Čišćenje korita i obala vodotoka u općini Kalesija nakon prirodne nepogode 2014. godine "KP "Komunalac" d.d. Kalesija	2	11. Odluka o izmjenama i dopunama Odluke o obrazovanju Općinske komisije za procjenu šteta od prirodnih i drugih nesreća	6
3. Odluka o utvrđivanju prosječne konačne građevinske cijene m ² korisne stambene površine na području općine Kalesija iz prethodne godine	2	12. Odluka o izmjenama i dopunama Odluke o raspisivanju javnog konkursa za raspodjelu sredstava iz Federalnog Fonda za pomoć nastradalim područjima od prirodne nesreće na teritoriji FBiH prema privrednim subjektima na području općine Kalesija koji su pretrpjeli štete usljed prirodne nesreće	7
4. Program uređenja gradskog građevinskog zemljišta po zonama na području općine Kalesija za period I-XII 2015.godine	2		
5. Plan proljetne sjetve za 2015.godinu	4		
6. Zaključak	5		
7. Zaključak	5		
8. Zaključak	6		
9. Zaključak	6		